



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

ენძელა



ენძელა (*Merendera*), ტუბერ-ბოლქვიან მცენარეთა გვარი შროშანისებრთა ოჯახისა. პატარა, უღერო მცენარეა. აქვს ხაზური ან ლანცეტა ფოთლები, რ-ებიც ყვავილებთან ერთად ამოიწვევრება მიწიდან. ყვავილები ვარდისფერი, სოსანი, ზოგჯერ თეთრია. 15-მდე სახეობა გავრცელებულია აღმ. ხმელთაშუაზღვისპირეთსა და წინა აზიაში, აღმ-ით – ინდოეთამდე. საქართველოში მხოლოდ 2 სახეობაა: რადეს ე. (*M. raddeana*) იზრდება იმერეთში, გურიასა და ქართლში, სუბალპ. და ალპ. მდელოებზე, ზ. დ. 3100 მ-მდე.

რადეს ენძელა

სამსვეტიანი ე. (*M. trigyna*) გვხვდება ქართლში, კახეთსა და ჯავახეთის მშრალ ფერდობებზე, მთის ქვედა სარტყლიდან ზედა სარტყლამდე, ზ. დ. 1800 მ-მდე. ორივე დეკორ. და ადრემოყვავილე მცენარეა.

გ. ნახუცრიშვილი
